


伏地呪曰

神詣上方天開地張五行八卦衛護安康朝
真上奏金簡玉章吸伏我體大道吉昌急急
如律令

太上透天關符命



陽日



陰日

右請符中通真使者承受玉女上奏靈官玉
童玉女功曹驛吏齋捧寶章上詣

三天帝闕進呈恭候報應所過罡風灑炁之
中應有六天外魔下官故炁不得過截仰正

一功曹流金火鈴大將軍攝付天微依

律治罪準此奉行急急如律令

年歲次 月 日吉時告下

具法位姓共奉行

道法會元卷之一百八十二


道法會元卷之一百八十三

面五

上清五元玉冊九靈飛步章奏祕法

章印第五

九靈飛步章奏司印 紫微玉文印



右印總司申牒行遣及蠟印用之

玉文印印陽精函上下

玉清道章印

透天關印



右印印陽精函中姓名上

九老仙都印

右印印洞華函中姓名上




上印文乃正一派所傳下印文乃九靈所
傳今通用正一印文為主

章絳印



九天上章靈官印 飛玄三炁玉章印



右印印洞華函下 右印印正陽函上

三天內諱印

三天太上之印



右印印正陽函中 右印印正陽函下

三天門下合同印文

陽精合同

洞華合同



正陽合同印契



先各印於申狀函發去次以印於各方函黃額之下右邊

章中十二小印除首尾外並印於各字之右



黃神印佩於左

背文



越章印佩於右

背文



章訣第六

凡上章並當佩符預宜存想行持服符沐浴入室東向誦上清天寶呪習步天斗純熟始可集神拜章

九靈飛步局訣祖法



先尋日中元建子時次分拜章時屬甚甲次以青龍加時支上次天罡如何方然後推自青龍立次舉左足乘青龍右足履蓬星左足穿明堂右足上太陰左足並玉存左足出天門右足並門神右足入地戶左足並戶神次以左足履文昌右足登下台歷中台過上台比傍斗表循三台內行至斗口進拜天皇遊天一歷下存天一惟步九靈出天英左手披惟出至瑤光拜大角左足登大明右足上北極左足遠天輔次步衡躡權並足次踏跖步

旋入陽明並足

林先生云葉先生有年者並不用此即步九靈置中步一座七星罡斗却就斗罡中五拜章並不用上來祖法只是面北向天門乾上拜後學多效之

元網流演圖



元網流演三十二天輪轉無色周迴十方旋斗歷箕迴度五常

飛神罡訣望天門立

呪曰念三遍

無上太清玄元帝君保生護命勅攝三魂靈

符衛魄立示鬼神令我朝闕度我玄門請登
王庭面侍高真往來分明恭奏臣誠玉帝勅
命急急奉行

服五神符咒曰

王府玄宮紫氣始青內鍊三魂胎光安寧神
寶玉室與我俱生不得妄動監神黃庭太靈
守衛若欲飛行形詣玉清饑兮渴兮吞飲玉
晶急急如

太一真人三台玉皇勅

右服符畢步三台罡



少立存玉清玉女各持旌節引衛飛罡

呪曰

天朗氣清三光洞明金房玉室五芝榮生玄
靈紫蓋照映我形玉童玉女為我致靈九帝
齊景三光同輯得乘華蓋昇入帝庭急急如
律令

右法存變如初步入黃道即外天門也至

天門驛從官吏住却同三將軍入內門也
至此掐金城化身訣呪曰

天蒼地黃我身升陽步行魁斗化身天罡水
火凶災悉離吾傍神飛金宮面朝玉皇上對
玉霄金光十方急急如律令

右存金光下映身非我有左右手各掐二
指上節望東南方取炁吹左右閉炁步之

九靈斗 次以五足並為三步
坎離相濟而九路矣



右步至天蓬星位出奇門呪曰

乘天罡步九玄履元斗行飛仙得天仙萬神
歡隱形變化萬端

敢有干試收條斗門掃除不祥正真明分左
煥火鈴右揮金瓚威光萬里嘯命立前玉帝
所祝靡不如言急急如律令

右呪畢乘罡若踏太虛而出奇門也

右呪畢乘罡若踏太虛而出奇門也


七星斗呪曰

陽明大魁元極文昌陰精太極太上璇璣飛
罡一吸萬鬼伏藏玄明瑤光紫微闈陽丹元
至真神悉吐威北極天魁回通玄神天關玉
女榮侍以歸魂真魄神舉體仙飛急急如律
令

右步謁帝處展壇三禮長跪詞誠奏告叩

齒九通咽液九過變神為白鶴仙人存左
日右月七星蓋頭罡星指前四靈侍衛項
生圓象皆九色光映十方內外朗徹行用
如法先服諸符次存二十八宿如細兩密
霧圍繞左右次出官露章如法次步伏章
罡存香中有紫赤之炁上衝九天

罡存香中有紫赤之炁上衝九天



右法罡風皆有青紫綠炁氤氳交結度此而登天門神吏請上章驛吏如風雷之迅凡度罡風見五色雲青紫黃白黑赤綠也皆不定寒凜霜雪冷風嚴勁如聞雷聲當凝神靜思次見青黃道若世之王者引進入黃道若悟真之士則入青道不得犯黃道若犯黃道魂魄不返致成失魂拜章之時須認黃道其炁如旋風狀如海螺極光明詳認而入自然有童子幢節來迓至第一天門陽精之門或為民祈福即候唐將軍通奏

上帝旨允而還此是第一天門內司天樞府呈章契勘合同如為國家或禳水火妖旱不祥或求嗣宮庭祈福之事再入第二洞華天門即係葛將軍引見契勘合同如四五為國兵火疫癘社稷之事則入第三門金華寥陽之門名正陽門即係周將軍引見天師張君紫霄府引見呈章奏帝乞

旨此為國家大事兵革水火求嗣社稷奏

取
帝旨報應也

道法會元卷之一百八十三



道法會元卷之一百八十四

面六

上清五元玉冊九靈飛步章奏秘法

章科第七

先於章官幕祭章官三獻文宣章官疏

華夏引陞壇上

御案香三捻祝云初捻香願達玉清境二

捻香願達上清境三捻香願達太清境

兩手捧章置御案再拜日東夜西 正立曲身

各禮師存念如法

存本師位西立存東方諸君丈人南方道

德眾尊西方正一三師北方太上老君每

方心禮三拜次存身中左青龍右白虎頭

朱雀足玄武存左日右月去面各九寸七

星在頭上青炁從肝中出布滿一室清光

過乎日月存唐將軍從左腎中出立左葛

將軍從右腎中出立右周將軍從心中出

立前兵士各三萬眾朱衣赫然存五德

將軍乃五列位五方存天驕甲兵騰間出

天丁力士額前出狼吏虎黃兩眉間出罡

風騎置吏兩膝間出收炁食炁吏鼻間出